

Landesbibliothek Oldenburg

Digitalisierung von Drucken

**Sebastiani Castellionis Sacrorum Dialogorum Libri
Quatuor, Quos Postremo Ipse Recognovit: Argumenta
Singulis Dialogis Praeposuit, Et Sententias Sublicit ...**

Châteillon, Sébastien

Francofurti, 1761

VD18 12886300

Nathan.

urn:nbn:de:gbv:45:1-18303

Aggredero me, inquit, & interfice, nam magno
ni, tē dolore discurtior, nec adhuc possum emori. Hic
e, ubi ego quid agerem? videbam non victurum post
omini tām graveā casū: itaque interemi, abstulique
coronam de capite ejus & armillam de brachio:
quæ tibi afferō, ut vides. *D.* ^{a)} Heu calamitosa
clades, heu lugubre prælium, o facinus audax!
Cujas es? *A.* Filius sum advenæ cujusdam Ama-
lechitæ. *D.* Te ne ergo noui esse veritum ista
impura manu perdere unctum Jovæ? Tu juvenis
invade hominem, neça: merito moreris, & tua
indicio peris, qui te de Rege imperfecto jactaveris,

SENTENTIA.

*Si potentes sic traharent eos, qui ipsis mortem
aut malum inimicorum, tanquam rem lætam, num-
ciant, ut Amalechitan hunc tradidavit David: aut
si saltem hujusmodi nuncios adversarentur: minus
auderent affentatores.*

NATHAN. 2 Reg. 12.

ARGUMENTVM.

Nathan Davidem jussu Jovæ ficta ad rem
narratione simili, ita prudenter adulterii
homicidiique arguit, ut ipse David contra
sémetipsum ferat sententiam.

Nathan, David.

*D*avid, duo homines erant in quadam urbe, al-
ter dives, alter pauper. Dives ovibus & ca-
pris bobusque abundabat: Pauper unam omnino
habet.

^{a)} Singularis virtus Davidis, qui lugat hostem,



habebat oviculam, a se emtam & altam, quæ adoleverat una cum ipso, liberis ejus: vescebat eodem cibo cum eo, bibebat eandem potionem, quiescebat in sinu ejus: breviter, erat ei pro filia. Ad illum autem divitem venit quidam hospes, quem accepturus, præteritis pecoribus suis, oviculam illam pauperis mactavit. *D.* ^{a)} Per Jovam immortalem dignus est morte, qui fecit istud: ovemque certe quadruplo pensabit, qui tantum facinus committere non dubitaverit. *N.* Tu ille es, David. Deus creavit te regem Israelitarum, teque liberavit ex manu Sauli: tibi tradidit dominum domini tui, & uxores, ^{b)} quas complecteris: tibi Israelitarum, tibi Judæorum familiam dedit: alia atque alia insuper daturus, si ea non satis essent. ^{c)} Et tu contempto ejus præcepto, Uriam Hætteum Ammonitarum telis objectum, indignissime trucidasti: ejusque uxorem, nulla Jovæ habita ratione, in matrimonium duxisti. Ob quæ flagitia nunquam a tua domo aberit clades. Nam Deus conflabit tibi malum domesticum: ^{d)} tuasque uxores, te vidente, alteri tradet, qui cum eis luce palam congregietur. Tu quidem occulte fecisti; sed ipse faciet in luce atque in oculis omnium Israelitarum. *D.* Peccavi

- a)* De causis alienis recte judicare solemus.
- b)* In matrimonium.
- c)* Ut quisque plurimis beneficiis a Deo affectus est, ita gravissime in eum peccat, si peccat.
- d)* Tantam calamitatem invehet domui tuæ, ut uxores tuæ palam stuprentur.



eavi in Deum. *N.^e) Deus quoque reinitit illud quidem tibi peccatum, neque ob id morieris. Sed quia ista re inimicis Jovæ occasionem maledicendi dedisti filius, qui tibi natus est, morietur. Hæc me tibi nunciare jussit Deus.*

SENTENTIA.

Callide reprehendendi sunt potentes. Qui alterum damnat, se ipsum damnat, si similia committit. Nihil est tam teatum, quin detegatur. Si peccatum tuum resfcisci non vis, peccare noli.

THECUANA. 2 Reg. 14.

ARGVMENTVM.

Thecuana fœmina, a Joabo subornata, oratione tecta atque figurata impetrat a Davide revocationem Absalom, ejus filii, ob fratricidium profugi.

Mulier Thecuana, David, Joabus.

Fidei tuam, o Rex! *D.* Quid mali habes?
M. Mulier sum deserta, & viduata viro, cui superstites fuerant duo filii, cum ruri forte inter se contenderent, nec esset qui litem dirimeret, cæcidit alter alterum, eumque morte mulctavit. Nunc universa me familia urget, posseens ad necem eum, qui superest, ob interemptum fratrem, cupiensque perdere unicum hæredem parentum: & quod mihi miseræ ^{a)} lucis superest (quod certe

^{e)} Morte dignus erat & pœna fuit levior, hæc venia vocatur.

^{a)} Præsidii, solatii.

